

**KANTON SARAJEVO  
SKUPŠTINA KANTONA SARAJEVO  
PREDSJEDAVAJUĆA SKUPŠTINE  
Prof. Ana Babić  
Reisa Džemaludina Čauševića Broj 1**

**KANTON SARAJEVO  
Skupština Kantona Sarajevo**

**(za 40. Radnu sjednicu Skupštine Kantona Sarajevo zakazanu za  
04.04.2018. godine u 10.00 sati)**

**PREDMET: Zastupničko pitanje vezano za problematiku  
vodosnabdjevanja Kantona Sarajevo u nadležnosti KJKP „Vodovod i  
kanalizacija“ sa posebnim osvrtom na pitanja kreditnog zaduženja istog  
Preduzeća i Kantona Sarajevo kod EBRD-a**

**Poštovane zastupnice, zastupnici, Gospodine Premijeru te članovi Vlade  
KS,**

**Već duži vremenski period, a sa aspekta postupanja i rada ove  
Skupštine, u njenom čitavom mandatu, te od strane Vlade Kantona  
Sarajevo, resornog Ministarstva i KJKP „Vodovod i Kanalizacija“  
d.o.o. se provode veoma komplikovane i vremenski izuzetno duge  
procedure vezane za kreditno zaduženje istog KJKP i posredno  
Kantona Sarajevo kod Evropske Banke za obnovu i razvoj usmjerenog  
na obnovu vodovodne i kanalizacione mreže koja se nalazi u  
katasrofalnom stanju.**

**I pored određenog napretka u segmentu vodosnabdjevanja ovog  
Kantona uslovljenog pojačanim intezitetom ukupnog rada nadležnog  
komunalnog preduzeća, povoljnim hidrološkim prilikama u zimskom i  
proljetnom periodu te stavljanja ove problematike u fokus  
interesovanja i rada ove Skupštine i Vlade Kantona Sarajevo, očigledno  
je da suštinskog poboljšanja u ovoj oblasti nema bez većeg finansijskog  
ulaganja u rekonstrukciju i obnovu vodovodne mreže.**

Imajući u vidu da predmetnu problematiku, uključujući i postupke i procedure stvaranja zakonskih uslova za navedeno kreditno zaduženje, ova Skupština tretira već pune 3 (tri) godine, Vladi Kantona Sarajevo i Ministarstvu komunalne privrede i infrastrukture postavljam sljedeća 3 (tri) pitanja:

1. U kojoj je fazi realizacija kreditnog zaduženja radi obnove vodovodne i kanalizacione mreže u Kantonu Sarajevo kod Evropske Banke za obnovu i razvoj, te kada će navedena finansijska sredstva biti operativna kroz otpočinjanja procesa konkretne obnove predmetne mreže (datum operativnosti kreditnih sredstava, datum otpočinjanja konkretnih građevinskih radova na obnovi predmetne mreže sa specifikacijom dijelova vodovodne mreže koji se rekonstruišu).

2. Imajući u vidu da su samo u mandatu ove Skupštine od 3 (tri) godine, ukupni gubitci KJKP „Vodovod i kanalizacija“ d.o.o. uzrokovani enermnim rasipanjem pitke vode kroz postojeću oštećenu vodovodnu infrastrukturu (prevashodno cijevi) ogromni, te da se još uvijek ne zna kada će se pristupiti i okončati bar urgentna sanacija, molim da mi se odgovori na konkretno pitanje:

- Da li je u mandatu prošlog saziva Skupštine KS i Vlade KS provedena procedura kreditnog zaduženja kod iste Banke;
- Da li je procedura kreditnog zaduženja bila završena, odnosno, do koje faze operativnosti je predmetna procedura dovedena;
- Ako je navedeni kredit, u istom finansijskom iznosu zaduženja kao i sada, bio operativan, iz kojih razloga je isti aranžman OTKAZAN i od strane KOGA (Kantona Sarajevo ili EBRD-a).

3. Ako je kreditni aranžman iz tačke 2. OTKAZAN od strane Kantona Sarajevo iz određenih finansijskih razloga (plaćanja penala na nepovučena sredstva i sl.) molim da nam se prezentiraju i dokumentuju egzaktni uporetni podadci odnosa između eventualne obaveze plaćanja navedenih penala i **NASTALE FINANSIJSKE ŠTETE ZBOG ODLAGANJA REGONSTRUKCIJE VODOVODNE MREŽE** za više od 3 (tri) godine.

Molim hitan, precizan i dokumentovan odgovor.

S poštovanjem,

**PREDSJEDAVAJUĆA SKUPŠTINE**

\_\_\_\_\_  
Prof. Ana Babić